

reat in vultu, in moribus, in verbis. Noli de absen-
tibus loqui; etiam bona, quia de facili intermiscent
se mala. Reputa et minus scientiam, minusque bo-
num. Non des consilium priusquam requiratur.
Non eas ad consilium, nisi vocatus. Si quis de ali-
quo malum dixerit, de facili non credas ei. Non
libenter audias, quia ex hoc crescit tibi charitas.
Oculos vagos non habeas. Caput et alia membra a
levi motu custodias. Prælatis tuis acquiescas; et in
ordinationibus suis, quæ non attendunt dissolu-

A tionem, eis non resistas. Labora totis viribus cu-
stodire cor tuum. Voluntatem tuam voluntatibus
aliorum subjice. In mente tua diem judicii revolve,
poenas inferni, passionem Christi, gaudia cœli. Stude
omnia opera tua coram Deo facere, et ad ipsius
referre. De ordinatione et dispositione quæ ad te
non spectant, ne temere discutias. Privatum amorem
a te repellas. Et studeas te benignum et obsequio-
sum in omnibus exhibere, etc.

LIBELLUS DE ARTE DICTANDI.

*Incipit prologus magistri Petri Blesensis, archi-
diaconi Ecclesiae Bathoniensis, in libellum De arte
dictandi rhetorice.*

Licet magistri Bernardi de dictaminibus liber
prudenter sit pertractatus, delicatis tamen et minus
districtis lectoribus perplexæ prolixitatis dicitur ar-
guendus. Turonenses etiam magistros dictandi sci-
entiam in summulas redigentes nihil perfectum ass-
serunt scripsisse. Unde sit ut tam bene condita
quæ insipida fastidentes ad mensam philosophie
lautis refertam ferculis siccis dentibus emarcescant.
Eliminatis igitur tantæ parcitatis conviviis, avidos

B magistri Bernardi et Turonensium sequaces nec non
et Romanæ cancellarie notarios ad suas epulas
invitanus, ut ea, quæ divisim paraverunt cum sol-
licitudine, summa hilaritate communiter epulentur.
Formulam vero dictandi, secundum prædictos dicta-
toriæ professionis dictatores, rudibus ad instructio-
nem proiectis ad memoriam tradere destinamus.

CAP. I. *De divisione dictaminum.*

Dictaminum aliud metricum, aliud prosaicum, de
quo specialiter tractare intendimus, etc. [*Tracta-
tum hunc, ex operibus Bernardi et al. confessum, nec
quidquam novi in se habentem, omitto.*]

PETRI BLESENSIS POEMATA.

I. — CANTILENA DE LUCTA CARNIS ET SPIRITUS.

1. Olim militaveram

Pompis hujus sæculi,
Quibus flores obtuli
Meæ juventutis.
Pedem tamen retuli
Circa vitæ vesperam,
Nunc datus operam
Militiæ virtutis.

2. Carnis insolentia

Pugnat contra spiritum
Nec metitur exitum
Vite temporalis :
Sed si juxta meritum
Referuntur præmia,
Miseræ stipendia
Mors erit immortalis.

3. Diu carnem studui

C Subdere spiritui,

Fame, siti, verbere subjicere :

Nec potuit domari.

Nam addicta voluptati,

Servitutis jugum pati

Detectat misera ; tunc demum libera,
Si sciret ancillari.

4. Felix illa servitus,

Quæ gebennales genitus

Adimit, et redimit

De manu tribulantis.

Spondet mundus libertatem,

Dans peccandi facultatem

Cujus delicias fugaces fugias,

Et dolos adulantis.

5. Mundus et dæmonium

Fidem sanxere mutuam,

Fraudis ad consortium,
Carnem trahentes satuam :
Sic per proditorias blanditiias
Insidias procurant :
Et in mortem animæ miserrimæ
Nequissime conjurant,
6. In fenestris capit is
Occultant retiacula,
Sed vibrant in absconditis
Tentationum jacula.
Servat hostis aditus, sollicitus,
Et exitus explorat,
Trahens hanc in publicum,
Quæ lubricum sophisticum ignorat.
. Me deterret Dinae raptus⁷⁷,
Cujus forma Sichem captus
Dum affectat temere
Violati capere

A Primitias pudoris.
Non est qui vim reprimat,
Vel oppressæ redimat
Opprobrium sororis.
8. Cessa, caro, lascivire,
Quia dies instat iræ.
Non te mundus rapiat,
Non te circumveniat
Fraus spiritus immundi.
Nos hæc vita deserit,
Et ut umbra præterit,
Hujus figura mundi⁷⁸.
9. Nodos abrumpe veteres,
Ut superes
B Hostis tentamenta
Ne templum Dei polluat⁷⁹,
Aut destruat
Christi fundamenta.

II. — CONTRA CLERICOS VOLUPTATI DEDITOS, SIVE DE VITA CLERICORUM IN PLURIMIS REPROBATA.

1. Qui habet aures audiat⁸⁰,
Sub quanta mole criminum
Clerus laboret hodie,
Dum in Christo luxuriat⁸¹,
Nec vult placare Dominum
Per fructus poenitentiae.
Sed differt et induciat,
Falseque sibi soñniat,
Sortis in casu dubiae
Longum vivendi terminum.
2. Ob nimiam molitatem,
Sordesque vitæ varias
Nulli defertur ordini.
Trahuntur in perniciem,
Per partes et minutias,
Ecclesiarum termini.
Nec habet arca requiem :
Malchus in Christi faciem⁸²,
Jason in vasa Domini,
Manus extendit impias⁸³.
3. Irreverenter confluunt
Omnes ad sacrum ordinem ; sed hominem
Veterem nunquam exuunt.
Nec fœditatis diluunt
Antiquæ turpitudinem.
Ili calicis dulcedinem,
Dant in amaritudinem,
Et in venenum aspidis.
Jesumque magnum sordidis
Vestimentis induunt⁸⁴, et polluant
Testamenti sanguinem.

4. Singultosis vocibus
Verbum salutis prædicant, et explicant,
Monitis salutaribus,
Quid agendum sit omnibus,
Sed Esau sunt in manibus,
Et voce Jacob indicant⁸⁵.
Qui dum se passim implicant
Flagitiosis actibus,
C Et exemplis enoribus
Animas mortificant, ædificant
Sion in sanguinibus⁸⁶.
5. Qui pro laude verba vendis,
Cultoris utens sarculo,
Dum phaleras in populo,
Sanctitatem quam prætendis
Non possides in sacculo,
Gaudes inani titulo :
Verbis utens reverendis,
In te trabem non attendis⁸⁷,
Quæ toti patet sæculo :
Et festucam reprehendis,
In tui fratris oculo.
D 6. Plebs pro Christo bellicosa
Fugit a mundi prelio,
Coelum petit martyrio.
Sed in nullo fractuosa
Clericorum conditio
Enormi torpet otio.
O mors Christi pretiosa,
Semper fuit copiosa
Apud te redemptio⁸⁸.

⁷⁷ Gen. 34. ⁷⁸ I Cor. 7. ⁷⁹ I Cor. 3. ⁸⁰ Matth. 13. ⁸¹ I Tim. 5. ⁸² Joan. 18. ⁸³ II Mach. 4. ⁸⁴ Zach. 3.
⁸⁵ Gen. 27. ⁸⁶ Mich. 3. ⁸⁷ Matth. 7. ⁸⁸ Psal. 129.

- Sed in istis otiosa
Fit Redemptoris passio.
7. Quare non accipiunt
Salutaris calicem,
Et pro Christo verticem:
ad huius objiciunt?
- Se si terrena sapiunt^{**},
Nec timent iram vindicem,
Terribilemque Judicem
iseri despiciunt:
- Colant enim culicem
Et camelum glutient^{**}.
8. Qui lethargum pateris,
Surgens expurgiscere:
Hora est iam surgere.
Vulnus, unde moreris,
Medico non aperis.
- In tui cordis ulcere
Scis fistulam obrepere:
Nec medicinis uteris,
Erubescens temere
Ligaturam vulneris.
9. In nova fertanimus,
Ructare querimoniam,
Uorrenda quæ committimus:
Supernæ Sion filiam
Ad quæstum prostituimus.
- Joseph eunicho vendimus^{**}, erigimus
Dagon in arcæ gloriam^{**}
Aurique color optimus
Versus est in scoriam.
10. Ascensurus in ardua
Crucem in dolo bajulat,
Erecta demum statua:
Nepotum turba pululat.
- Quos variis
Ecclesiis intitulat:
His influens superflua,
Dissimulat,
- Quod vir honestus exsulat,
Non implet vasa vacua,
Sed plena supercumulat.
11. Professus Evangelium
Abit in viam gentium.
Qui sanctæ pacis otium elegerat,
redit ad ollas carnium.
- Regale sacerdotium
Ad carnis improperium degenerat.
Damnabile commercium!
Fit membrum meretricium,
- Qui membrum Christi fuerat^{**}.
12. Quid hic agis, anima miserrima?
Pulsat mors ad ostium,
Carnis ut divertium
Celebrent novissima.

- A . Hora est undecima.
Nec finem habet ignium,
Aut vermium, vel cinerum
Mors peccatorum pessima^{**}.
13. Mente quæso cogita sollicita,
Quod incautos rapere sit solita,
Mortis hora subita.
Noli tempus perdere:
Præpropere
Nemo se morti præparat.
Dum te mundus exhilarat,
Dum promittit vivere
Jucundius et longius,
Tunc mors amara separat^{**}.
- B . 14. Quis aquam tuo capiti,
Quis dabit tibi lacrymas?
Ut laudes regis incliti^{**},
Fraudesque ducis^{**} exprimas?
In regiones ultimas
Planctu discurrat anxioproditis
Nostrique regis captio^{**},
Quæ tot affigit animas.
15. Fœda rubigo mentium,
Te pestis avaritiae
Dux duxit in flagitium
Damnabilis memoriae,
Hostis Herodes impie,
Invasor Christi gloriae. Nam regis
Non noces innocentiae,
Sed Christo, sed Ecclesiae.
- C . 16. Flos regum, ducum, procerum
Iter quod erat liberum,
Sensit inextricabile.
Dum incidit in Cerberum,
Qui facile
Detexit cor ignobile,
Vas Deo detestabile,
Vas scelerum,
Dum crucifigit iterum
Christum in Christi pugile.
17. Judas Christum distraxerat.
Dux regem vendit Angliae
Sed crimen hoc exaggerat
Idolatra pecuniae.
Nam impie
Pacem cum rege finxerat,
Dum ei rex improperat, quod fugera,
Relicta crucis acie
Cedens in partes Syriae.
- D . 18. Christi miles in hostiles
Iruebat cuneos.
Dux cum pravis et ignavis
Fabricabat laqueos
In regis captionem:
Sic sævit in leonem.

^{**} Phil. 3. ^{**} Matth. 2. ^{**} Gen. 39. ^{**} I Reg. 5. ^{**} I Cor. 6. ^{**} Psal. 53. ^{**} I Reg. 15. ^{**} Richardi, Anglorum regis. ^{**} Austræ Leopoldi. ^{**} Vide epist. 143.

- Vulpecuæ versut.
Bibe nunc avaritia
Dum putoes argenteos
Larga diffundit Anglia.
Tua tecum pecunia
Sit in perditionem ¹¹.
19. Infidelis et crudelis,
Triumphalem titulum
Crucis Christi polluisti,
Vendidisti populum
Terræ promissionis,
Fili perditionis.
20. Rex revertendi studio,
Firmaverat triennio
Discordiam in gratiam :
Sed tua machinatio
Confirnat in David solio
Tyrannum Babylonis.
21. Quod amicus suggestit,
Fer cum patientia.
Desere palatia ;
Nam curia
Curis, imo crucibus
Et mortibus
Semper est oonoxia.
Figura mundi præterit ¹²,
Homo cum interierit,
Non sumet secum omnia ¹³.
Dies nunc peremptoria
Comprehendet, nec descendet
Ejus cum eo gloria.
22. Quidquid dicas hodie : Curiæ
Me juvant deliciæ ;
Quarum præbent copiæ
Quod in votis sim perplexus.
Quo me vertam nescio, præ gaudio,
Dum ad usum gloriæ
Mihi cedit omnis sexus,
Ætas et conditio.
Totus feror in amplexus
Voluptatis obviæ.
23. Tenent nos in curia,
Cultus delicatior,
Cibus exquisitior, et lauтор,
Quod timeor, nec timeo,
Quod augeo
Parentum patrimonia.
Quod intono magnalia.
Me divitium consilia,
Me tenent accidentia
Dignitatum, quas magnatum
Largitur amicitia.
24. Nexus abrumpe curiæ.
Deo te totum immola.
Tempus indulget veniæ

- A Ficulnæ parabolæ ¹⁴.
Rachel abscondit idola ¹⁵
Sub simo pœnitentiæ.
Sumptus perdis et operas,
Si differas oblatam tibi gratiam.
Vincis, regnas et imperas,
Si tangis Christi simbriam ¹⁶,
Et hydriam Samaritanæ deseras ¹⁷.
25. Stulti sunt, qui miseri
Volunt sponte fieri :
Non est impatiens Christi clementia,
Sera sufficiens est pœnitentia.
Tu verba garriens Davi, non OEdipi,
Præsagis pessima mihi novissima.
B Sed sic intercipi non potest anima,
Nec est laus ultima
Placere principi.
26. Quid te juvat vivere,
Si vis vitam perdere ?
In animæ dispendio,
Nulla est æstimatio.
Si vis, ut te perennibus
Absorbant suppliciis,
Mors et inferna palus;
Confidas in principibus ¹⁸
Et in eorum filiis,
In quibus non est salus.
27. Grata est in senio religio,
Juveni non congruit.
- C Carnis desiderio consentio ;
Nullus enim odio
Carnem suam habuit ¹⁹.
28. Neminem ab inferis
Revertentem vidiinus.
Certa non relinquimus
Ob dubia;
Somniator animus
Respuens præsentia,
Gaudeat inanibus.
Quibus si credideris,
Exspectare poteris
Arcturum cum Britonibus.
29. Divitiæ, tam anxie
Quas acquiris cum tormento,
- D Ut somnium surgentium
Evanescit in momento;
Sine sine tanquam spinæ
Pungunt, angunt, lacerant;
Scis quid tibi conserant?
Quod servus es servorum,
Dum in his te crucias,
Ut servias
Clientum libidinibus,
Et ventribus equorum.
50. Cur arguor, si perfruor

¹¹ Act. 8. ¹² I Cor. 7. ¹³ Psal. 48. ¹⁴ Luc. 13. ¹⁵ Gen. 31. ¹⁶ Matth. 9. ¹⁷ Joan. 4. ¹⁸ Psal. 145.
¹⁹ Ephes. 5.

Bonis, quae manus Domini
Dedit ad usum homini?
Quoties volvero,
Miser esse potero;
Si mihi soli vixero,
Toti sum mundo perditus.
Benignus Dei spiritus,
Non dedit ista consilium,
Ut in dolo nos eludat,
Et per ista nos detrudat,
In putum interitus.

A 31. O vanitatum vanitas?
Quae est haec securitas?
Inter hastas hostium
Freudentium?
Astat mors in januis, et defunis
In omne desiderium:
Sed irruet calamitas
Repente super impium
Voluptatumque brevium
Mutabitur jucunditas,
Aeternum in supplicium.

III. — TRACTATUS DE SACRO SANCTIS VENERABILIS SACRAMENTI EUCHARISTIE MYSTERIIS (21).

PROLOGUS.

Innocent auctor Sanctissimam Trinitatem, Patrem, Filium, et Spiritum sanctum, ut de SS. Eucharistia mysteriis digne scribere possit.

. *Omnibus in factis, inceptis atque peractis,
Debet præponi Deus humanæ rationi;
A quo ditatur ratio, res cuncta creaturæ,
Ut nostris sautor sit principiis, sit et auctor.
Principium verum Deus est, et clausula rerum.
Quo sine quod cœptum fuerit, finitur incepsum.
Debet adorari primus, primusque vocari.
Auctor adoratus primus, primusque vocatus*

B Non elongabit se, cultoremque juvabit.

Ergo Deum fateamur eum, sed cunctipotentem
Supplicibus nostris precibus votisque faventem.

Invocatio Patris.

O Pater æterne, qui cuncta regendo superne,
Omnia disponis virtute sacrae rationis!
Carminis esto mei dux et via materiei.
Materiam, metrum, mendacia, prospera, Petrum,
Præsigna, forma, remove, concede, renorma.
Materiam primam da te, Deus, addeque limam,
Qua rem sublimem cœlesti dognate limam.
Tu faber es prudens, prudenter singula cedens,

PETRI DE GUSSANVILLA NOTÆ.

(21) De hoc tractatu Joannes Budæus, qui primus C (quo genere et hic Tractatus conscriptus est) ad edidit: Cum hujus Operis editio, candide Lector! pene ad calcem decurrisset, allatus est ad me ex Alsatia præsens Tractatus ex vetustissimo ms. codice Bibliothecæ Tabernensis serenissimi et illustrissimi principis Caroli cardinalis Lotharingi, ac Metensium, Argentiniensemque episcopi descriptus, dignusque tum ob antiquitatem, tum ob Anselmi Cantuariensis archiepiscopi nonen, quod præferebat, visus, qui ad hujus operis calcem, ne proinus excideret, adjungeretur. Verum, dum sedulo totum tractatum executio, in suspicionem magnam venio, non Anselnum Cantuariensem archiepiscopum, sed Petrum nostrum Blesensem, Cantuariensis archiepiscopi cancellarium (facile enim ob similitudinem cognominum alter pro altero, notior pro ignoto substitui potuit) illius esse auctorem et parentem. Quatuor enim conjecturis adducor, ut ita sentiam. Prima est, quod auctor carminis in Prologo senet atque iterum nomen suum diserte prodat, et D appellet se Petrum. Altera, quod consentiat tempus; nam codex ille ms. cui nomen *Hortulus clericorum*, attributur Heradi a Lansberg nobilissimæ abbatissæ cœnobii Hohenburgensis, quod apud Alsatos exstat in monte S. Otiliae; at illam Heradim ante annos quadringentos, ipsique adeo Blesensi aqualem vixisse inde manifeste liquet, quod in S. Otiliae Vita nuper Friburgi Brigitte Germanice impressa scribatur dictum Heradim anno a Christi ortu 1182, monasterium Trutenhusanum in Alsatia aedificavisse. Quo certe anno Blesensis maxime a scriptis editis florebat, et Cantuariensis archiepiscopi cancellarium agebat. Tertia, quia constat Blesensem non solum poetices gñarum suis, ut in prefatione altera hujus Operis te monimus, sed multa etiam carmina condidisse. Epitoma enim 42 a quodam nepote suo postulat sibi mitti versus olin Turonis a se confessos. Et epitola 75 rhythmicum quoddam carmen longissimum

D amicum quemdam transmittit. Quarta, et postrema est, quia stylus et phrasis non dissentit, ac si ex ungue leo, ex vestigio statura Herculis, ex voce homo agnoscerit, liceat mihi et ex gemina phrasi conjicere Blesensem. Primo enim, propriâ quædam ejus phrasis est, ut dum de præparatione ad S. Eucharistiam agit, *incorporare sibi Christum*, accipiat pro sumere Christum, ut epist. 86: *Tua rero inquit ibide ad Caribiusianum quendam, sententia est, ut tibi Christum incorpores singulis diebus, non dijudicans corpus Domini.* Et epist. 123: *Filius, ait, plorantia æterne manu sacrilega, et ore polluto sacramentum, in quo vita æterna est, recipit, ipsumque sibi damnabiliter incorporare præsumit.* In sermone quoque 25 eamdem vocem eodem significatu usurpat. At eadem phrasim utilitudo hujus Tractatus capite, disticho ultimo.

Non igitur, inquit, satis est nasci de Virgine Christum.

Si suus esuriens homo non incorporet istum.

Deinde de eadem præparatione agens, allegat illam sententiam Sapientis: *Cum sederis ad mensam divitis, diligenter vide quæ apposita sunt ante faciem tuam, et appone cultrum gutturi tuo (Prov. xxiii; Eccli. xxxi).* Eamdem allegat et in hoc Tractatu, cap. 20 his versibus:

Additur huic Salomon sacrum formans paradigmata, In quo mysterium sacri præfulget enigma. Quando sedes, inquit, ad prandia celsa potentis, Quos comedas, attende cibos, discrimine mentis.

Neque me ab hac sententia absterrent grammatica carminis vitia; cum illa, ut pleraque vocabula barbaræ in omnibus Blesensis opusculis, non ipsi, sed saeculi vitio attribuenda sint. A me autem huic Tractatu nihil accessit, nisi distinctio capitum, et paucula censuræ.

Enormes normas, res informesque reformatas.
Tu nostræ mentis fabricam sacris documentis
Complue, secunda, substenta, dirige, munda,
Ut divinorum videat sacra mysteriorum.
Pressa fame verbi, mea mens in tempore Verbi
Vult refocillari, vult verbi pane juvari.
Nam Verbum panis Deus est, Verbum caro panis
Quo nos intus alis, cibus es quia spiritualis :
Hoc ex te natum, non factum, sive creatum
Verbum cuncta regit, hoc tecum cuncta peregit.
Hoc super astra tonat, et in aris pro populo dat.
Rector ibi cœli, cibus hic potusque fideli.
Hunc panem verum, quo vivit machina rerum,
Pande mens menti, Deus, hunc gustare volenti :
Nutriat unde fidem Christus crucis hostia pridem,
Rursus in altari vult hostia sacrificari.
Vult et in altari nos pane Deo satiari.
Hunc ego, scripturus laudesque novas caniturns
Rex immense, peto, fer open coepisque faveto.

Invocatio Filii.

Christe, Patris verbum, sis os mihi, sis mihi verbum.
Non verbum fictum, quod pertransit cito dictum :
Sed quod ab æthere datum semper manet ex Patre
In natum.

In verbo tali, verbo tam perpetuali
Pane salutari possit mens nostra cibari.
Subtrahe te, panem mundo, dimittis inanem;
Da, mox impletur, vivit, viget atque sovetur.
Christe, ciba mentem te jugiter esurientem;
Deficit ex toto, te vivo pane remoto.
Tu petra, tu panis, tu janua clausa profanis,
Janua tu cœli populo reserata fideli.
Tu via, pande viam, qua pergitur ad theoriæm :
Nemo te certe reperiire valet nisi per te.
Duritiam frange Petri, petra, duraque lange
Corda, supernorum dulcedine mysteriorum.
Ut videam clare quis sacrae sit cibus ære,
Quis fons, quis sanguis, quo vita redit, perit an-
guis.

Janua tu vitæ, pulsanti nunc aperi te.
Hactenus ut clausam reseres quam postulo causam
Res est sub velamine, sed mihi tecta revela,
Lux, Deus, æterna lucens de sede superna,
Cui par majestas est cum Patre, parque potestas.
Ianic operi præsto sis, Christe, vocatus adesto,
Rex in præclara dextra Patris, agnus in ara,
Pande tuum numen mihi, funde tuum mihi lumen,
Ui, duce te, tutus scribam tua signa secutus.
Non mea lux ardet, accendere si tua tardet,
Quæ, te luce caret, mens nullo lumine claret.
Spiritus alme Dei par lux utriusque diei;
A Patre procedens natoque, nec inde recedens
Nostris aspira coepitis charismata mira,
Quæ super athletas Domini sanctosque prophetas
Quondam fudiisti, canerent ut prælia Christi;
Tu fons vitalis, sed et unctio spiritualis
Chrismate secundas sacri baptismatis undas,
Iisque viam pandis animabus vivificans.
Tu male torpentes peccati frigore mentes

A Cœlitus ignitas virtutum dogmate ditas.

Invocatio Spiritus sancti.

Spiritus alme, veni, veniens mea pectora leni,
Quæ peccatorum suffocat spina meorum.
Impedit internam mundi mala cura lucernam,
Ut non sincere valeam tua celsa videre.
Pelle malas curas virtute tua ruituras :
Perque tuum rorem Christi mihi confer amorem.
Esurio Christum, panem mibi deprecor istum :
Hoc homo pane satur, in Christo perpetuatur.
Non reticere quidem volo, quod verbum caro pridem
Rursus in altari caro vult in pane sacrari.
Spiritus ergo bone, cuius summa ratione
Hæc habet effectum res, da sensum mihi rectum,
Ut non de pane Christo loquar hic, nisi sano.

B In quo nil vanum, nil sentitur nisi sanum.
Res est obscura, sed tu dissolvere cura
Hoc sacramentum mihi per fidei documentum.
Tu potes omnimodos Scripturæ solvere nodos,
Quasque prius celas res, cum vis, ipse revelas.
Tu sacer, impinguas mutas a famine linguas,
Et facis exertas, facis ad sacra bella disertas.
Nil sine te scitur, sine te mihi nil aperitur.
Mystica sacrorum resera mihi dona tuorum,
Ignis tu lucens, directaque semita ducens.
Carmen perfectum per collem dirige rectum.
Dirigat ad cœlum mea mens re præduce velum ;
Velum cum navi rege, dirige siderea vi.

CAPUT PRIMUM.

C Quod vere una eademque caro sit, quæ nunc in altari
de pane consecratur, et illa, quæ de Virgine nata,
et in cruce passa creditur suis.
Panis in altari verbi virtute sacratus
Fit divina caro, fœstri medicina reatus.
Fit caro non alia, quam Christi nos redimentis,
Plena sacramento, cibus et vegetatio mentis.
Hæc caro quotidie, quamvis caro non videatur,
Panis habens speciem, pro mundo sacrificatur,
Horret natura, rerum stupet ordo, sacramum
De modico panis quandam de virginine natum.
Horret quod Verbum caro factum, fit caro rursum,
Quod naturalem mutat res condita cursum.
Et tamen est eadem caro tunc de Virgine nata,
Et caro nunc verbo vitæ de pane sacrata.

D Propter nos homines dignatus tunc homo nasci,
Nunc pius ille suo nos optat corpore pasci.
Est Deus et vitæ panis datus ut satiare.
Est effectus homo Deus, ut lapsos relevaret.
Quid datus a cœlo vitæ panis valuissest,
Si rediundens homo patiendo famem periisset ?
Non igitur satis est nasci de Virgine Christum,
Si suus esuriens homo non incorporet istum.

CAPUT II.

Quod mundo fame verbi periclitanti Christus panis
homo factus subrenierit.
Verbi dira famæ homines aliquando premebat
Esuriens nec homo, quod manducaret, habebat.
Angelicus panis de cœlis venit ad ima,
Cum iamjam mundum succideret ultima lima.

Qui nostræ carnis palea sua numina velans,
Innotuit mundo Deitatis signa revelans.
Noluit ergo suum pius auctor plasma perire
Descedens, ut homo sua posset ad astra redire.
Totus corruerat homo, totus erat labefactus,
Occurril Dominus pereunti victima factus.
Victima sed sancta, sed viva, sed immaculata
Victima, quæ maculas fugat, ex se sanctificata.
Victima, qua major offerri nulla valebat :
Quæque satisfacere pro nobis sufficiebat.

CAPUT III.

Quod non alias præter Christum pro peccatis Adæ satisfacere poterat, cumque secundum utramque naturam immortalis esset, sponte tamen pro nobis est mortuus.

Hostia nulla valens, aut sufficiens satis esset
Quæ deleret Adæ culpam, si Christus abesset.
Nam debebat Adam pro se, nec pauper habebat
Unde satisfaceret, quem culpa gravis prohibebat.
Ipse Deus potuit, nec debuit, ergo necesse
Est ut homo Deus hoc faciat, sine quo nequit esse.
Huic quia cuncta potest Deus. huic et homo quia
[debet,

Materiam tali facto res utraque præbet.

*Fit de naturis eadem persona duabus
Corporibusque medens nostris, nec non animabus.
Hic Deus, hic et homo, duo sunt, unus vero Chri-*
[stus,

Alter in alterius personam non male mistus (22).

Qui cum natura foret immortalis utraque (23),
Majestate sua servata justitiaque
Sponte crucem subiit, nisi vellet, non moriturus,
Morte sua vitam nobis sine fine daturus.
Quodque Deus verus non debuit ex deitate,
Hicque beatus homo pro justitiæ gravitate.
Sustinuit tandem fieri divina voluntas,
Quæ res perpetuo disponit numine cunctas.
Cæditur in ligno Christus crucis hostia viva,
Per quem mortalis fieret substantia diva,
Hostia quam felix ! qua mundus et astra replen-

[tur,

*De qua qui comedent, æternum non morientur.
Hic verus cibus est : hic vera refectione panis.
Quo qui non vivit, siet spes ejus inanis.*

PETRI DE GUSSANVILLA NOTÆ.

(22) *Impropria locutio; vera tamen si verbis sana subjiciatur intelligentia, quam non obscure auctor carminis indicat, dum ait: Unum esse Christum, nempe in persona, quare hunc Deum, et hunc hominem non voluit esse duo, nisi secundum naturas; nam paulo ante dixerat: Fit de naturis eadem persona duabus. Simili loquendi formula jam olim usus est Sophronius in epistola actione 11 vi synodi recitata, dum ait: Confitemur Christum et unum esse, et duo unum propter personam, duo propter naturas. Eodem sensu expoundendum est, quod mox adjungit: Alter in alterius personam non male mistus; neque enim persona hominis, in personam Verbi divini mista est; duæ enim tunc forent personæ in Christo, sed natura humana in personam Verbi mista est, id est in diuinæ Verbi subsistentiam assumpta.*

D (23) *Et hæc impropria locutio est, constat enim Christum naturam humanam a primo conceptionis sua: momento usque ad resurrectionem habuisse mortalem et passibilem, ut definitum est in vi synodo, ut B. Leo epist. 10 docet, ac Damascenus lib. iii, c. 28, et lib. De hæres. contra Aphtardocitas. Vocat autem auctor carminis immortalem, quia quod mortalis fuerit ex sola Dei voluntate profectum est; cum aliquo jure potuerit esse immortalis, tum propter dignitatem personæ, ad quam assumpta est, tum quia concepta fuerat a Spiritu sancto sine ullo peccato, quod in nobis causa est mortalitatis. Quo sensu B. Damascenus lib. iii, cap. 15, ait: Corpus Christi permissum esse a divinitate agere et pati, quæ propria.*

A Hæc est vera caro veri quo pascimur agni,
Per quem sulphurei teput violentia stagni.

CAPUT IV.

Quod agnus in lege immolatus et assus, et a populo Israelitico comesitus typum Christi gesserit, et successente vera gratia veroque sacrificio, id est Christo apparet, legales cærenonie cessaverint.

Jam non per Moysen agnus populo datur assus,
Agnus Christus adest pro nobis in cruce passus.
Hujus venturi prior exstitit ille figura.)
Umbra recessit, adest lux : fit Deus hostia pura,
Hostia solemnis Christus modo sacrificatur.
Mors tamen huic passo semel, ultra non domina-
tur.

Gratia successit, disparuit illa vetus lex.

B Et mundo nova lex; nova lux ; novus emicuit rex.
Nil modo placat ovis, nil sanguis agit vitulorum,
Nil holocausta boum, perlit vetus ordo sacrorum.
Jamjam desistit pecudes mactare minister,
Ex quo mactandus venit pius ille magister.
Ergo legem lex ; agnum Deus agnus abegit,
Quodque figurabat vetus, hoc novus iste peregit.
Quem velut igne sacro, dum passio coxit amara,
Hostia viva Patri crucis est oblatus in ara.
Cujus utrumque domus signamus sanguine postein,
Et procul a nostris arcemus finibus hostem.
Dum labiis et corde crucis sacra commemoramus,
Corpus et ipsius cum sanguine participamus.

CAPUT V.

C *Quod integer diversis licet in locis immolatus perseverat agnus, totusque a fidelibus in escam vitæ sumitur.*

Qui quamvis totum per mundum sacrificetur
Integer in regno manet : unus semper habetur.
Et cum distribui per particulas videatur,
Sumitur hic totus, cœlo totus veneratur.
Astra solumque repleta manet unus Christus ubi-

[que,

Nunquam deficiens, ac omissis ad omnia cuique.
Istum namque cibum cibus olim significavit,
Quo Deus Israel deserta per avia pavit.
Manna sicut populis cibus omnibus omnis in ore,
Pro variis animis vario existente sapore.
De quo qui modicum tanquam qui plus capiebat,

Et saturabatur, quia cunctis sufficiebat.
Mysterium magnum nostro sub tempore tandem
Enituit, causamque parit res mystica grandem.
Manna quidem Dominus de Virgine matre creatur,
Cujus in altari corpus de pane sacratur.
Sed quam dissimiles sunt hic cibus et cibus ille?
Nam cibus hic Deus est: cibus alter, ut umbra fa-
[ville].
Ille cibus periiit, et edentes hunc perierunt,
Qui panem vitæ Christum non esurierunt.
O panis sacer et fidei laudabile munus!
Omnibus omnis adest et sufficit omnibus unus.

CAPUT VI.

*Quod panis et caro Christi non in merito efficitur
consecrantis, sed in verbo et in virtute Creatoris,
et quod a bono nil majus, nec a malo minus perfici-
tur.*

Angelus hunc panem sicut, esurit, hoc recreatur.
Hoc dum vivit adhuc peregrinus homo, vegetatur.
Quam felix panis, caro felix, hostia dives!
In terris homines, qui pascit in æthere cives.
Non capit hinc justus magis, aut minus hinc homo
[nequam,

Christus namque sui partem facit omnibus æquam.
Si male sumentem trahit ad mortem sua noxa,
Sumentem digne sublimat in æthere doxa.
Hic panis dum presbyteri benedicitur ore,
Non est in pravo minus aut magis in meliore.
Sit licet immundus qui sacræ præsidet aræ,
Sorde tamen nulla valet hoc sacrum inaculare.
Par verbi est virtus, licet impar vita sacramantis,
Nec creat illud opus homo, sed vis cuncta creantis.

CAPUT VII.

*Quod presbyter in consecratione sacrificium com-
memorans, et imitans cum lacrymis passionem
Christi, sit Christus et crucifixus, et sacrificans et
sacrificatus.*

Assistens aræ pro sacris presbyter orat
Mensam cœlestem Deus implet, gratia rorat.
Compluit a superis divina potentia totum,
Quidquid presbyteri sacrat admirabile votum.
Nil aliud sacrificè est quam Christi simulacrum,
Dum tractat corpus Christi cum sanguine sacrum.
Dumque suos oculos in cœlum cordaque figit,
Extendendo manus et brachia, se crucifigit.
Et dum quæ fuerit mors Christi flendo retractat,
Facta suæ carnis Domino velut in cruce mactat.
Sic Christum Christus offert homo victima factus,
Sicque crucem patitur, dum coimmortal crucis
[actus.

PETRI DE GUSSANVILLA NOTÆ.

(24) Mendorus locus. Quod ad sententiam attinet, nolet Lector in hoc capite agi de consecratione corporis et sanguinis Domini in sacrificio missæ; nam et in capite proxime antegresso, et in sequenti manifeste agit de sacrificio. Multorum enim doctorum probatissima sententia est, utriusque speciei consecrationem essentialiter requiri ad rationem veri sacrificii: eo quod de essentia hujus sacrificii sit expressa mortis et passionis Christi repræsentatio.

A Qui recto Christus quomodo crucifixus et unclus,
Fer fidei membrum cum Christi corpore junctus.

CAPUT VIII.

*Quod solus Deus sanctificator et administrator sit
sacrificii, presbyter vero tantum minister; quodque
eodem verbo caro fiat in altari, quo creata est in
utero virginali.*

Non aliis celebrat, quamvis alias videatur,
Mysterium sacrum verbum Deus hoc operatur.
Verbum namque caro factum sacra verba magi-
[strat,
Et per sacrificem carnem de pane ministrat.
Hic opus, hic opifex Deus est: sacrat atque sacra-
[tur,

Fitque creatura, per quem res cuncta creatur.
Nam res quæ panis pridem substantia mansit,
In Christi carnem Deitatis munere transit.
Nescit homo, nescit, stupet angelus hoc ita factum,
Arcanique sacri pavet inscrutabile pactum.
Nescit quo modulo, quo virtutis documento,
Rex elementa creans, prodit Deus ex elemento.
Sei dextræ Excelsi talis mutatio cedit,
Quo viget omne quod est, cui mundus et æther
[obedit.

CAPUT IX.

*Quod cœlestium vasorum figuris potest in altari mo-
dicam panis portionem in melius, hoc est in carnis
suæ gloriam permutare, qui humanitatis nostræ
testam assumptam et igne passionis suæ excusat,
de morte potuit ad vitam reformare.*

Possibile est illi, qui novit cuncta creare,
C Ex alio rursus aliud quiddam renovare.
Molle lutum signulus, cum vult, et quomodo tornat,
Qui nova vasa creans, ea cambit, et aptius ornat.
Paret opus Doinino, cui præminet illa potestas
Ut reparare queat, quas vult dissolvere, testas.
Filius ergo Dei virtusque Patris manifesta
Ad nos descendit, quem texit carnea testa.
Attamen hæc testa crucis in cibano bene cocta,
Arte fuit signuli de morte resurgere docta.
Sed sane cocta, quam non aqua noxia mollit,
Quæ mundi maculas, et nostra superflua tollit.
Dura nimis testa, quæ Tartara fortia fregit,
Et redimens hominem cruce, mortem morte sub-
[agit.

Manat ab hac testa summae bonitatis olivum.
Quod fugat in lavacro baptismatis omne nocivum.
Testa quidem felix, quæ vitæ fonte repleta,
Corpora nostra sovet, animas quoque pace quieta.
Hac simili testa divina lucerna resplendeat,
Unde sacra mensæ dapibus benedictio pendet.
Et quia nostra fides abscessit, prorsus inanein (24).

Unde sequitur sacrificium missæ inane esse, hoc
est proprium suum effectum non ante consequi,
quam utriusque speciei consecratio perfecta fuerit.
Vide Franciscum Suarez., tom. III Disput. in part.
III; S. Thom. Disput. 75, q. 83, a. 1, sect. 6. Quod si
contendas locum etiam intelligi de iis, qui participes
sunt sacrificii, hoc est, de laicis communicantibus;
respondeo, ut intelligatur: non tamen aliud hoc
carmine effici, quam ritum communicandi sub ultra-

In sacra coena sine vino sumere panem :
 A Domino vinum percepto pane petamus ;
 Quid sacramenti sit in illo perspiciamus.
 Nil edisse prius prodest, si, quando sitimus,
 Nulla parte sitim nostram compescere quimus.
 Sint desiderii post escas pocula magni,
 Præsentim quia carnes assas sumpsimus agni.
 Assa caro nobis facit ora magis sitibunda,
 Quam teneræ carnes, quas mollis decoquit unda.
 Ergo, favente Deo, de mentis fonte propino,
 Quidquid mysterii de sacro sentio vino.

CAPUT X.

Quod nec caro sine sanguine, nec sanguis sine carne recte communicatur. Sicut in Melchisedech præsigutum est, qui in typu Salvatoris nostri, panem et vinum simul libasse legitur.

Fertur ad altare vinum cum pane, litatur
 Munus utrumque Deo, cum pascha novum cele-
 [bratur.]

Gaudet ultraque Deus, laudans acceptat utrumque.
 Per quod mortalem Christum liquet esse, Deumque :
 Esse Deum, quia se Christus sub utroque reformat ;
 Mortalem, quoniam mortem crucis inde renormat.
 Illa duo de se tellius et vinea profert,
 Presbyterique manu genitori Filius offert.
 Quod per Melchisedech fuit olim significatum ^a,
 Libantem Domino pane et vinumque sacramum.
 Hujus in historiis patrem reperire nequimus :
 Hujus nec matrem, nec avorum nomina scimus.
 Quis signatur eo, nisi Christus homo sine patre ?
 Natus ab æterno de Patre Deo sine matre.
 Hunc ego pontificem summum probo, jureque re-

[gem,

Qui penetrat cœlum, qui donat ab æthere legem.
 Panis confirmans, hic est, et vitis abundans,
 Lætiscans animas, et eas a crimine mundans.
 Ilunc panem, vitæ sacram, flos virginitatis
 Edidit huic mundo fructum plenum Deitatis.
 Hoc de pane caro, de vite crux sacer exit,
 Quæ male ne vidcant homines sapientia texit.

PETRI DE GUSSANVILLA NOTÆ.

que specie id temporis, licet non ubique, usitatum rationi consentaneum fuisse, eo quod ad expressam refectionis, vel convivii rationem, non cibus solum ad depellendam famem, sed potus quoque ad restinguendam sitim requiri videatur. Non tamen evertit hæc similitudo usum sub una specie communicandi in tota Ecclesia Latina ab annis pene ducentis receptum ; namet sub una specie, integra, si essentiam species, et perfecta refectio continetur; valet enim, qui sub ea exhibetur, Christus non ad famem tantum, sed etiam ad sitim spiritualem depellendum. Potus enim et esus, inquit B. Cyprianus in serm. *De cena Domini, ad eandem rationem pertinent in spiritualibus.* et idcirco ipsa sancta Scriptura spiritualem animæ refectionem, quæ fit per gratiam aliquando declarat similitudine panis. *Eccle. xv; aliquando aquæ. Joan. iv; aliquando potus. I Cor. xii, et cibi. Joan. vi.*

(25) Auctor carminis in ea opinione videtur fuisse mitionem aquæ in consecratione calicis, non modo

A

CAPUT XI.

Profunda cœlestium secretorum ideo Dominus occulti voluit, ut perfidis celarentur, et fidelibus meritum de virtute fidei cresceret.

Arcanum cœli Dominus pro tempore celat,
 Et poscente fide, cui vult, et quando, revelat,
 A nostris oculis ideo sunt ista remota,
 Nec penitus nobis, nisi mentis lumine, nota.
 Ut sic nostra fides ad justitiam doceatur,
 Et fidei major merces exinde sequatur.
 Aut ideo voluit Deus hæc arcana latere ;
 Ex hoc ne risum posset Judæa movere.

Si cœsi carnes hominis crudas ederemus,
 Sanguinis et calicem crudi crudum biberemus,
 Ergo cibi potusque sacri ratione fruamur.

B Perque fidei non per speciem sursum gradiamur,
 Quæ quia corporeo visu, gustuque nequimus
 Qualia sint jure discernere, mente velimus.
 Mens sacra Deo gustu probet interiori,
 Quod lux, quod lingua sensu nequit exteriori.
 Nec modus aut species panis sunt inspicienda,
 Imo sacramenti virtus est corde tenenda.
 Sed neque de vino quisquam, nisi prospera speret !
 Nam menti sanguis, vinum conspectibus hæret.
 Sed quamvis vini videatur habere liquorem
 Subveniente fide, sacrum liquet esse crux.
 Hic est ille crux, qui Christi vulnere fusus,
 Ore sacerdotis animarum transit in usus.
 Utque sacramento res possit nulla deesse,
 Debet in altari vino fons vivus inesse.

CAPUT XII.

Aqua pariter vino admiscetur, quia utrumque simul in cruce de latere Salvatoris emanavit, sanguis videlicet redemptionis, et aqua baptismalis per quod Ecclesia signatur.

Admiseretur aqua vino, qua significamur,
 Nos qui salvificis alimentis viviscamur.
 Significantur aqua populi, quos gratia munit,
 Quos quasi membra suo capiti Christi crux unit.
 Porro, si Domino vinum sine fonte litatur (25).

D esse necessariam, ut schola loquitur, necessitate præcepti, sed etiam necessitate sacramenti, ita ut si merum vinum quis tentet consecrare, nihil efficiat. Sic olim docuit quidam apud B. Bernardum epist. 69, atque etiam Armachanus libro ix de quæstion. Armenorum, cap. 9. Huic opinioni causam videtur dedisse B. Cyprianus, dum lib. ii, epist. 3, ait contra divinum mandatum et institutionem fieri, si aqua vino non misceatur, et infra subdit, ita non posse consecrari vinum solum, sicut nec aquam solam. Verum communis et ab omnibus recepta jam sententia est, mitionem aquæ necessariam quidem esse necessitate præcepti, non tamen sacramenti. Non tamen convenit inter omnes, sitne præcepto divino, an ecclesiastico tantum necessaria. *Licit probabilius sit postremum, nec dissentit hujus carminis auctor, ut liquet ex sequenti capite. Vide Francisc. Suarez. locu. cit. disputat. 45, quæst. 74, art. 3, sect. 11.

^a Gen. 41; Hebr. 7.

Passio quod Christi fuerit pro gente negatur.
Nam si, quod redimi deberet, plasma deesset,
Tanta tulisse Deum sine causa non opus e-set.
Econtra, si fons vihi fuerit sine mixto,
Monstratur quomodo gens sola manet sine Christo.
Nil fons salvificus sine sanguine propitiatur,
Et sine fonte sacro sanguis nihil hic operatur.
Sic utrumque simul decet in libamine sisti,
Sicut utrumque simul fluxit de vulnere Christi.
Vitis vera Dens, fons vita Christus habetur :
Fons de fonte, crux de vite venire videtur.
Quare non aliud alio sine sacrificatur,
Deum sic ad plenum sacra passio commemoratur.

CAPUT XIII.

In consecratione Dominici sanguinis prius, videlicet in cena, aquam vino mistam non legimus, sed ut huic sacramento nihil deesset ad commemorationem Dominicæ passionis, apostoli eorumque successores hoc fieri decreverunt.

Hoc in natali calicis non est celebratum (26)

Quando Pascha Novum Vetus est post Pascha di-

[catum ;

Nam panem tantum Dominus vinique liquorem
In propriam mutans carnem, sacramque cruxem
Discipulis legitur coenantibus attribuisse,
Utque sui memores faciamus idem, docuisse.
Mira Dei virtus, qui coenat, coena sit idem
Cœnans quotidie nobiscum, sicut ibidem.
Et quoniam lateris de vulnere sanguis et unda
Effluxere simul, ablutio nostra secunda :
Decrevit Patrum veterum censura modesta,
Ut sint illa duo simul ad Paschalia festa.
Ut quod in altari factum crucis esse videtur,
Hoc in honore crucis nunc a nobis ieretur.
Implent mysterium sacrum tria, fons, crux, san-

guis.

Quæ tria nos redimunt, et ab his tribus interit an-

guis.

Unum de tribus his, sacrae qui subtrahit aræ,
Non digne poterit sine causa sacrificare.

CAPUT XIV.

Licet vinum et aqua ante consecrationem in altari typice misceantur, post nonnisi sanguis bibitur, quia in sanguinem demutatur aqua, ut populus, qui per illam figuratur in melius se transmutatum, dum ista digne percipit, indicetur.

(27) Sed licet in mensa Domini tria constituantur
Munera; sunt tantum duo postquam sacrificantur.
Est aqua mista prius, sed vino quando sacratur
Non nisi sanguis erit, quo spiritus intus alatur.

A Mystica res dat aquam. Christi crux ebibit illam.
Nam transfert nostram Deus in sua membra favil-

[lam.

Transfert quando suum per corpus ei sociamur,
Perque sicutem tanto capiti nova membra creamur.
Transfert et pridem cum chrismatis unctio sacri
Nos populos facit esse novos in fonte lavacri.
Sed lavacri fontem fons vulneris iste figurat,
Et per utrumque Deus animarum vulnera curat.
Quorum corda prius facit in baptismate munda,
Post lavacrum lapsos emundat sanguinis unda.
Ergo duo tantum crux et caro percipiuntur,
Tertia res types est popolorum, qui redimuntur.
Altera res saturat, sed inebriat altera mentem,
Catholicamque Deo confederat ultraque gentem.
His gemmis gemina substantia nostra resultat,
Quam per Adam veterem mortis sententia multat.
Sanguine vita calet, gaudet caro earne refecta.
Gaudet utroque bono refici mundata senecta.
His renovatur homo peccatis inveteratus
Hisque reviviscit sive virtute renatus;
His humana spuma natura resumpsit honorem.
His serpentinum gaudet superasse furorem.

CAPUT XV.

Quod ante legem et in lege sanctis Patribus regnit celorum janua clausa fuerit; post datum vero gratiam, latroni omnibusque pie paucientibus reserata sit.

Jam paradisiacam primus petit incola sedem,
Janique redemptus homo celum sibi vindicat sedem.
C Crux facit hoc, cuius rutilans super omnia splendor
Hostes humani generis prosternit in Endor.
Crux Domini thronus est cœli, barathrique catena.
Crux cœli clavis, via vitæ, mortis habena.
Crux penetrat cœlum, replet orbem, scindit aby-

[sum.

Frontibus in nostris crux impressit crucifixum.
Jam thau inscriptum nullius fronte videmus;
Ex quo signa crucis nobis impressa tenemus.
Mystica signa crucis sacer ille character habebat,
Qui gladium mortis pestemque malam prohibebat.
Nunc quia nos redimit vitalis gratia ligni,

Deletur typici sub signo littera signi.

Crux patescit iter tendentibus ad paradisum :

Namque quod obstabat jus est fatale recisum.

D Ensifer ille Dei cherubim aditu patesfacto,
Christicos intrare modo sinit ense retracto.
Flammivorus gladius versatilis ille quiescit,
Lætaque Christicolis paradisi porta patescit.

PETRI DE GUSSANVILLA NOTÆ.

(26) Christum tantum in puro vino consecrassæ docuit quoque paulo ante auctoris sæculum Paschasius libro *De corpore et sanguine Christi* cap. 11, et Rabanus lib. *De corp. et sanguine Christi* cap. 28. Et Thom. Walden. tom. III, *De sacramental.* cap. 32. Sed probabilior eorum sententia est, qui existimant Christum in vino aqua mixto consecrassæ. Sic enim multi veteres asserunt, ut B. Jacobus in Li-

turgia; Clemens lib. VIII *Constitut.* cap. 42; Irenæus libro II, cap. 2; Cyprianus lib. II, epist. 3; Hieronymus in cap. XIV *Marti;* Theodoretus dial. 1; Augustinus, lib. IV *De Trinit.* cap. 21.

(27) Vide Ambros. lib. IV *De sacrament.* cap. 4, Paschasius *De corp. et sang. Dom.* cap. 11; Alger. lib. I, cap. 16.

Inrat quisquis amat, a tempore namque Joannis
Baptistæ, patet hæc sacra janua clausa tot annis.
Cœlum vim patitur, rapiunt illud violenti ⁹,
Ex quo successit post legem gratia genti.
Gaudet cœlorum rex prædari super astra,
Armaque prædoni dat, ut his adeat sua castra.
Nec jam pro regno certanti damna minatur,
Ino vincenti dat præmia cum superatur.
Utile certamen, felix violentia talis,
Cum sua prædoni prædatio sit venialis.
Et cum jam victus victori præstat honorem,
Cum victor victo se clamitat inferiorem.

CAPUT XVI.

*Quod hujus sacramenti perceptione et salutiferæ crux
virtute paradisus homini reseretur, et diabolus
superetur.*

Primitus obstrusa patriarchis atque prophetis,
Nunc est facta patens latroni porta quietis.
Cui clypeum virtus, mors vitam, spes bona zelum
Contulit, arma fides, Christi confessio cœlum.
Portavere patres pondusque æstusque diei,
Pervolat iste latro prior ad sedem requiei.
Ilos ad cœlum non induxere priora
Prima, secunda sed hunc introduxit brevis hora,
Vexavit Moysen in lege labor diurnus,
Non hunc: denarius tamen æquat utrumque diurnus.
Quodque prophetarum patres prius et genitrices
Non poterant, intrant modo fures et meretrices.
Ecce latro pede post Christi vestigia fixo,
Intruit ad regnum crucifixus cum crucifixo ¹⁰.
Illa vocata canis credens intrat Chananza ¹¹,
Vinea dicta Dei gens retro cedit Hebræa.
Persida! cur refugis intrare, latransque retrorsum,
Non cessas operi pietatis figere dorsum?
Cumque Dei pietas hos suscipiat venientes
Excuis dentes in eum pietate carentes?
Pone tuam rabiem, quia præteriere priora
Tempora, per Christum succedunt prosperiora.
Quos tua lex lapidare solet, ferroque necare,
Gratia nunc Christi studet ad vitam revocare.
Gratia nunc melior, quam littera, que perimebat,
Sub qua justitiae sol ceu sub nube latebat.
Gratia Messiam jamjam venisse prophetat,
Aspera quæ legis removet juga nosque quietat.
Et tamen exspectas alium, sed disce, require,
Scripta prophetarum, Christum potes hic reperi.
Quem præmonstrarunt lex, angelus, atque pro-

[pheta

Christus adest, Christi sunt omnia laude repleta.
Nunc venisse Deum simul acclamat elementa:
Non tamē attendis elementorum documenta;
Nam cœli Regem natum perhibet nova stella ¹².
Huncque Deum perhibet præbens aqua vina novella,
Vita defunctos, ægrosque salute beavit,
Sub pedibus cuius mare se calcabile stravit ¹³.

A Denique cum moritur, sol, lunaque sunt tenebrati,
Terra pavens tremuit, surrexerunt tumulati ¹⁴.
Hos quoque quos dudum male captivarat avernus,
Reddidit ad superos, cum rex reddit ille supernus.
Et velum templi, lapides, crucis hostia scindit.
Sed nondum saxum quod habes in pectore findit.
Visis tot signis nondum Judæa moveris?
Persidiæ sed adhuc tenebris male cæca teneris?
Ecce quid exspectas, sed mystica quæque retracta.
Verum Messiam vel per miracula specta:
Et quia nuda patent velaminis interiora,
Intra nobiscum, crucifixi numen adora.
Pone tui Moysis densum velamen ab ore.
Cultus disce novos, cultu cessante priore.

CAPUT XVII.

*Quod Christus nostra legis latore sit, et noster Moyses,
qui nobis de diabolica potestate erexit, agnus pas-
chalis immolatus est, quique per hujus mundi de-
sertum ad regnum nobis promissum nos intro-
ducit.*

Si Moysen quæreris, Moysen jam perspicie Christum.
Nil Pharaonis onus obserit tibi, si colis istum.
Ille fuit typicus, verus nos iste redemit,
Et Pharaoniticam gentem crucis ense peremit.
Hic verus Moyses nos duxit per mare Rubrum,
In siedi lavacro veterem perimendo colubrum.
Ilic paschale sacrum statuit melius celebrari,
Agnus pro nobis se passus sacrificari.
Pascha tuum quondam fuit umbra, figuraque veri,
Sol Deus effusit, tenebrasque monet removeri,
Qui nos mundani deserti per regionem
Pascit, et ad lactis mellisque trahit stationem,
Pascit in Ecclesia, quoties evangeliorum
Verba recensentur nobis, virtusque sacrorum.
Pascit in altari dum vivificis alimentis,
Esurientis cum reficit pia viscera mentis.
Pascit nempe domi, quando post spirituales
Donat abundantanter nobis escas cereales.
Pascit et in coelo, dum mens super æthera raptæ,
Haeret tota Deo, superum dulcedine capta.
Sic panis vita Christus nos pascit ubique,
Civibus angelicis escam præbens hominique.
Persida gens igitur patrum caligine fusca,
Ut sis uva ferax desistas esse labrusca.
D Molliat imbre suo te Christi gratia demum,
Ut pingue facias in vita vite racemum.

CAPUT XVIII.

*Quod Dominus noster ipse granum frumenti dictus
sit, quod cadens in terram mortuum, resurgensque
in semine vita multiplicatum sit, de cuius grano
multa fidelium grana orta sunt, quæ cum ipso
unum in Ecclesia quotidie efficiuntur.*
Me quia detinuit paulum digressio facta,
Propter Judæam mea penna priora retracta.
Quod valet in petra frumenti spargere granum,
Sic, quod Judææ Christum sero, judico vanum.

⁹Matth. 11. ¹⁰Luc. 23. ¹¹Marc. 15. ¹²Joan. 2. ¹³Matth. 14. ¹⁴Matth. 27

At semen Christum, Judæam petra figurat
Fertilitate carens, quæ semper saxe durat.
Hoc est frumenti granum, quod terra fidelis
Germinat assidue, reddens sua semina cœlis.
Hoc grano cœli sunt horrea multiplicata.
Urbs sacra Hierusalem pinguescit eo satiata.
Hoc est frumenti granum¹⁸, quod ab æthere venit,
Cujus adeps animas nostras et corpora lenit,
Illiud sponte cadens in terram mortificatum
Est prius, atque per hoc surrexit multiplicatum.
Ex uno multis affluxit copia granis,
De quibus efficitur nunc vivus in æthere panis.
Nam quoties Christo crescente fide generamur
Ex uno grano, quasi plurima grana creamur.
Cujus cum sapimus carnes vel sanguinis haustum,
Unus fit panis unumque fit hoc holocaustum.
Una sic in carne duo simul esse leguntur¹⁹,
Christus et Ecclesia sic unum constituantur.
Sic Deus in nobis, et in illo nos habitamus,
Dum caput hic nobis, illi nos umbra paramus.
Sic tanto capiti membrum quodcumque coheret,
In Christi semper se corpore vivere speret.
Nec semel hinc labens turpi se labe recidat.
Aut Christi membrum meretricis falce recidat,
Non valet hoc membrum Christi de corpore dici,
Quod servit Satanæ, quod subditur et meretrici.
Immaculatus amat sponsus sponsam immaculatam,
Fædere virgineo sibi cœlitus associatam.

CAPUT XIX.

Ne quisquam membrum diaboli factus ad corpus Dominicum more Judæ accedere presumat, quem non tantum prioris culpæ conscientia damnavit, quam quod adhuc peccator et immundus ad sacram mensam præsumptuose accedere non formidavit.

Quapropter quisquis non es de corpore Christi,
Dum sordescis adhuc, et nondum pœnituisti,
Ad Domini mensam non est tunc accelerare.
Ne si præsumas, Judæ similis videare.
Judas omnimodis se deliquisse sciebat,
Et tamen a sacris epulis se non retrahebat,
Dupliciter reus hic tam criminè proditionis,
Quam de contemptu violata religionis.
Quare judicio Domini mala tanta sequente,
Introit Salanas in eum cum pane repente²⁰:
Ergo punit eum sententia, poenaque duplex,
Quod non ante sacrum fuerit pro crimine suppplex.
Præbet in Ecclesia Judas exempla futuris.
Ne corpus Christi manibus tractent nisi puris.
Nam qui cum Iuda male percipit, excipietur.
Qui bene cum Petro, caput ad Christum referetur.

CAPUT XX.

Quod nulli fidelium ignorare liceat Dominicæ corporis et sanguinis sacramentum, quod in Ecclesia celebatur, ne forte ex eo quod ignorat, ad illum percipiendum censeatur indignus.

Percipiunt multi sacra; sed quid percipiatur

A Ignorant penitus, quibus ultio dira minatur.
Omnis id ignorans ignoratur, quia nescit
Unde salus oritur, veniae fons unde patescit.
Ignoranter homo comedens de sanctificatis
Sicut ait Moyses²¹, poenam feret insciatatis.
Additur huic Salomon²² sacrum formans paradigma,
In quo mysterium sacri præfulget ænigmata,
Quando sedes, inquit, ad prandia celsa potentis
Quos comedas, attende, cibos discrimine mentis;
Nam quid proficiat menti caro vivificatrix,
Scire prius debet ratio virtutis amatrix.
Nos monet hinc psalmus²³ regis simul atque Prophetæ,
Est quoniam suavis Dominus, gustate, videte.
B Unde patet quomodo nonnulli presbyterorum
Ignorant penitus virtus sit quanta sacrorum.
Si bene quæ virtus viget in sacris homo sciret,
Mensam cœlestem nunquam nisi mundus adiret.
Nunc quia non didicit sacra, percipit irreverenter,
Judiciumque sibi sumit, mortemque patenter.
Sieque fit ut Christi caro, quæ datur ad medicinam,
Prolinus hic mortis laqueum paret atque ruinam.
Nam, quamvis aliquis sit vita religiosæ,
Dum nescit quid agit, vivit sibi perniciose.
Quomodo mysterii sacri defendit honorem
Eius, qui nondum gustavit mente saporem?
Ut nequit absque fide perfectio stare sacrorum,
Sic sine doctrina non stabit cultus eorum.
Ergo qui nescit, hic discat et hic veneretur,
C Ne contemptoris multa quandoque gravetur.

CAPUT XXI.

Quo presbyterum quemque sacramenta Dominica scire oporteat, quibus subjectum sibi populum erudit, et ad veram fidem instruat, sine quibus fungi sacerdotio digne non poterit.

Scire velit primum quid victimæ sit generalis,
Quid lignum vitæ, quid pastus spiritualis,
Quidve sit ara, calix, quid in hoc aqua fusa, me-

trumque,
Quæ duo sunt unum, postquam sacratur utrumque,
Denique cur calicem crux signet, crux ariet aram
Agni pro nobis occisi sanguine claram.
Scire velit quid diluvium tulit, abstulit unda,
D Unda profunda quidem, sed et ipsa figura profunda
Cur baptismatis insit chrismatis unctio fonti:
Quidve renatorum crux conferat illita fronti.
Sed quid sacrorum Domini penetramus abyssum?
Omnia scire velit sacrificæ, quibus itur ad ipsum.
Talia qui nescit; quid culpa est, quidque gravamen,
Nec sibi nec populo conferre valet medicamen.
Hinc etiam cæcus cæcorum dux male cedit,
Quem sua cum reliquis gravis ignorantia lædit.
Qui vero didicit, quæ scire per omnia debet,
Recte presbyter est, et lucis iter bene præbet.

¹⁸ Joan. 12. ¹⁹ I Cor. 10: Gen. 2. ²⁰ Joan. 13. ²¹ Lev. 22. ²² Prov. 29. ²³ Psal. 38.

CAPUT XXII.

Quod sacerdos post Christi vestigia gradiens verbumque vitæ populi annuntians, Christus Domini, ipsiusque angelus dicitur, dumque proximum ad agnitionem Dei et amorem cœlestium inflammat seraphinam sortitur dignitatem.

Presbyter est vitæ recte cuivis sacra norma,
Subjecto populo sit vivendi bene forma,
Cujus vita calens veræ virtutis amore;
Dum recte Christum factis imitatur et ore:
Angelus est Domini; sed et ejus Christus habetur,
Qui portare crucem, Christumque referre videtur.
Ilic cum sit Christus, sicut pater ex Isaia,
Angelus est sunimus natus ex matre Maria
Angelus ille quidem per se bonus existat abunde,
Angelus hic ab eo factus bonus est aliunde.
Nuntius hic debet mandata fidelia cœli,
A cœli Domino populo deferre fideli.
Unde preces populi flentisque gravamina terræ
Ad Dominum remeans quasi noster praeco referre.
Qui stans in templo, speculum, fideique lucerna
Contemplando Deum meditandoque sola superna
Frigida corda gregis culpæ fuligine nigra
Quæ pridem fuerant ad vitæ gaudia pigra,
Ad superos revocans fidei facit igne calere,
Et succensa Deo vitæ candore nitere.
Ilic talis merito specie splendet seraphina
Proximus unde calet culpæ fugiente pruina.

CAPUT XXIII.

Quod idem sit carbo lucens, qui et seraphim. Nam tum in Ecclesia sancti rectores populum Dei peccatorum tenebris extinctum, verbo salutis, et exemplo bone actionis ad amorem cœlestium reaccendunt, profecto carbones vivi alios succidentes perhibentur.

Sic populus fidei sua post vestigia ducens,
Carbones vivos facit illos carbo relucens.
Sed quid in Ecclesia carbonibus est faciendum?
Thus operum, thyrima precum reor his adolendum,
Thuribulum carnis mentisque crememus utrumque,
Victima quæ placet duplex hominemque Deumque
Nunc de multorum carbonum divite massa
Saltem lingua duos mea dic; ad cætera lassa
Ardens carbo fuit Laurentius, ignis in igne.
Cui crater palmam, mors contulit æthera, digne.
Carbo fuit Domini Nicolaus præsul honestus,
Virtutum cujus splendor procul est manifestus.
Ille cruore rubens carbo carbonibus assus:
Hic meritis ardens olei pinguedine crassus.
Quos dudum genitos nigros errore paterno
Succendi voluit Deus ignis ab igne superno.
Quem non alterius succendat pugna virilis?
Alterius moveat bonitas etiam puerilis?
Illi exempla mereamur sanguine laurum,
Illi purgatæ vitæ Domino damus aurum.

A Miles uterque Dei dispensatorque fidelis
Ore, manu studuit thessauros condere cœlis.
Ilos exemplares fidei propono magistros;
Ut doceam per eos altaris quosque ministros
Esse pios, largos, fortes, castos, sapientes,
Rebus in adversis pro justitia patientes.
Tales sunt digni de libro suniere vitæ,
Quos non excludit sententia mortis avitæ.
Tales digna Deo libainiu ferre merentur,
Et Domini sacris assistere non prohibentur.

CAPUT XXIV.

Quod valde periculosum sit ad sacramentum corporis et sanguinis Domini accedere, ubi inter angelorum omniumque sanctorum frequentiam ipse summus pontifex Christus se ipsum in escam vitæ vel mortis porrigit singulorum merita subtilliter discerneus.

B Ergo sacramenta vitæ prudens homo disce.
Judiciumque Dei, dum percipis illa, tremisce.
Terribilis res est et quam multum verearisi.
Corpoque qui Christi Christo præsente cibaris.
Nam si forte fidem scripturis vis adhibere,
Quæ nos sæpe solent de Christo vera docere;
Tempore quo Christus genitori victima chara
Presbyteri manibus sublimi fertur in ara (28),
Sanctorum polus omnis adest, polus hic reseratur,
Præsentemque Deum grex angelicus comitatur.
Ilic vere Christus præsens auctorque sacerorum,
Justorum mentes dijudicat atque malorum.
Novit enim planeque videt, quis debeat uti
Pane salutari, seu damno, sive saluti.

C Et licet assistat carnalis presbyter aræ
Summus pontificum sacra dicitur hic celebrare,
Hic panem frangit, hic porrigit, hic benedit,
Corpus adesse suum quod dat cum sanguine, dicit.
Eia præsumes peccator homo nisi dignus,
Ad Domini mensam vitæque accedere pignus.
Discito quamprimum quid sis, et quid caro Christi,
Et quo vase velis divina stipendia sisti.
Vas nisi sincerum fuerit, quo suscipiuntur,
Illi perditio male qui capit efficiuntur.
Unde monet Paulus se primum quemque probare²¹,
Et sic ad panem calicemque sacrum p: operare.
Quisquis enim Domini corpus dijudicat, ante
Quid sit quod recipit, quantumve Deo reserante
Illud secure comedat tamen ante probatus,
Quem non accusat capitalis causa reatus.
Sed quamvis aliquem culpent peccata minora,
Cum sine peccato nec in una vivitur hora,
Non tamen a sanctis epulis reor hunc removendum,
In quo assidue nocet, illud erit redimendum.
Et quia quotidie peccati mole gravamur,
Talibus assidue medicamentis relevanmur.
Dispensativa sapientia cunctipotentis'
Prævidet, unde queant curari vulnera mentis.

PETRI DE GUSSANVILLA NOTÆ.

(28) Chrys. lib. vi *De sacerdot.*; Gregor. lib. iv *Dial. cap. 58.*

²¹ 1 Cor. 11.

CAPUT XXV.

Quod pro diversitate meritorum Christus in Ecclesia agnus et hædus, ut in lege præfiguratum est, immolatur, ut, sicut beatus Hieronymus dicit, carnibus agni perfectionis, peccatores autem et pœnitentiam agentes hædo pascantur.

Præparet ergo Deo sua pectora quisque fidelis,
Fiat ut illius in mundis mansio cœli.
Corda fugit Dominus torpenta plenaque sorde,
Cujus semper inest in mundo gratia corde;
Et quem pauper adhuc virtus compellit egere,
Esuriensque bonam nequit agni carne replere.
Saltem manducet sacri de carnibus hædi,
Qui pro peccato populi solet hostia cœdi.
Non homines docet esse pares vetus ordo sacrorum,
Nec mentis ratio, nec disparitas meritorum.
Hinc hædum Moyses jubet agni morte litari ²²,
Ac ab utroque typo, vult Christum significari.
Hædus non tamen est hædos qui damnat et odit ²³.
Sed quis sit tibi quisque sacri discriminé prodit.
Agnus mactamus, cum justitiam retinemus;
Hædum cum veniam poscentes crimina flemus.
Nec reor absurdum quod in hædo significatur
Christus, qui caper aut hircus plerumque litatur.
Quod lex hunc eremo, lex hunc ultro vetus offert,
Hoc quia sit gemina Christo substantia profert;
Pro soribus templi plebs unum sacrificabat,
In caput alterius sua crimina multiplicabat.
Hunc vivum populique sui peccata ferentem,

A Sic emittebat eremi deserta petentem.
Christus utrique caper ²⁴, nam cœditur in cruce
[pendens
Desertumque petens; cum surgit ad æthera tendens.
Qui mala nostra tulit ligno suspensus, ovemque
Inventam retulit ad nonaginta ²⁵, novemque
In dextris pollens Patris Deitatis honore.
Regnat, et in mundo replet aras carne, crux.
Qui semel occisus licet ultra non moriatur,
Mors tamen ad vitam nobis ejus renovatur.
Christum quotidie devotio presbyterorum
Mactat in altari, mactator et ipse sacrorum.
Panis somentum vitæ, vinumque sacratur,
In cruce suspensus Salvator commemoratur.
Ara crucis lignum, signatque calix monumentum.
B Hic obit, hic dormit Christus, dat utrumque mo-
[mentum.

Agnus in hac, leo fortis in hoc surrexit et ales
Astra petens, aquilas trahit ad se spirituales.

CAPUT XXVI.

*Quod sacerdos et quisque fidelium capitlum suo, quod
est Christus, conformari, eumque ad cœlos quotidie
spiritualiter sequi debeat.*

Ergo bonus sacrificus hæc sacra recenset,
Ut se conformet Christo carnis cruce pensel;
Cum vitiis crucifixæ caro prius emoriatur.
Vivisca Deo mens surgat, eumque sequatur.
Sic bene commoritur; consurgit, ei quoque vivit.
Sicque redemptus abit homo, quo suus auctor abivit.

IV. — DE POENITENTIA

Pœniteas cito, peccator, cum sit miserator
Judex; et sunt hæc quinque notanda tibi.
Spes veniæ, cor contritum, confessio culpæ,
Pœna satisfaciens, et fuga nequitiae.
Ut dimittaris, aliis peccata remittas,
Hisque satisfacias quos te læsisse fateris.
Sperne voluptates, lusus, spectacula mundi;
Desere consortem pravum populique tumultum:
Secretasque preces et opus pietatis amato.
Omnia peccata plangat contritio vera,
Servans ætates, sensus, loca, tempora, membra.
Deplores acta, noli committere flenda.
Plangas admissa cum commissis et omissis:
Offensasque Dei quod fratrem damnificasti.
Vera sit, integra sit, et sit confessio munda,
Sit cita, firma, frequens, humili, spontanea,
[nuda.

Propria, discreta, lacrymosa, morosa, fidelis.
Pœniteas plene, si vere pœniteat te.
Non per legatum, non per breve, sed refer
[ipse:
Compatienti dic, sapienti, dic meliori;
Presbyteris multis prodest si confitearis.
Copia presbyteri si desit, pande sodali.
Corporis ut maculas, animæ sic crimina pandas.
Carnea sunt crapula, perjuria, furtæ, libido:
Mente latet livor, odium, tumor, ira, libido.

C Præcipue pestes septem memores capitales,
Non solum fontes, sed rivos inde fluentes.
Fonte suo rivos magis est quandoque nocivus.
Unde Lot incestus pejor fuit ebrietate,
Atque Cain gravior cœdes fraterna furore.
Culparum fontes, sunt fastus, livor et ira.
Accidior nævus et avaritiae, gula, luxus.
Cum singillatim mortalia dixeris uni,
Cuncta simul quæcumque gravant comitantia cul-
[pas,

D Dic citra factum committere quæ voluisti.
Dic venalia, dic quæ sunt a mente repulsa;
Dic tua delicta, generaliter ista revela
Nam reus in multis quando peccata fatetur,
Vel quævis dicat vel nil dixisse videtur.
Postremum crimen si pure quis fateatur,
Ille tacere potest quidquid reddit et comitatur.
Aggravat ordo, locus, peccata, scientia, tempus,
Ætas, conditio, numerus, mora, copia, causa,
Et modus in culpa, status altus, lucta pusilla.
Æger pœnitent et crimina confiteatur.
Non imponatur huic pœna sed insinuetur.
Hanc tamen explebit, si firma salus reparetur.
Si migret absolvat contritum presbyter ægrum,
Huncque preces relevent jejunia dona suorum:
Ut sit pœna rubor, tibi vilis ut efficiaris,
Doctior ut fias, injurior ut fatearis,

²² Exod. 12. ²³ Matth. 25. ²⁴ Lev. 16. ²⁵ Luc. 15.

Judicio teget extremo confessio culpas,
Ne videat Deus aut dæmon vel qui facit illas,
Confessor initis, affabilis atque benignus
Sit sapiens, justus, sit dulcis compatiensque,
Ut crimen proprium celet peccata reorum,
Sit piger ad poenas, sit velox ad miserandum,
Et doleat quoties facit illum culpa ferocem,
Insundat mulcens oleum vinumque flagellans.
Hunc virgam patris non exserat ubera matris,
Sibile et cantet, stimulet cum cogit oportet.
In primis querat contritus quomodo credat,
Si credat corde sane fateatur et ore
Post hæc rimetur peccantis vulnera caute
Contra naturam culpam non exprimat ullam,
Ne super enormi si simplex conveniatur,
De quo nil scivit ad agendum sic moveatur,
Uxor adulterii rea, confessore perito,
Sic luat admissum ne sit suspecta marito,
Sæpe sibi moneat confessor ne recidivet,
Sive relabantur confessum confiteantur
Vitenti causas ad lapsus alientes
Solliciti poenam complere satisfacientem,
Observent caute sensus cum pectore renes,
Utique fori judex pro persona prohibetur
Flectere judicium, medicus variare medelas.
Sic animæ judex odio caveat vel amore,
Confessos poenis onerare vel alleviare,
Ecclesiæ morem vel Patrum scripta sequatur,

A Sitque modus poenæ juxta moderamina culpæ,
Et tanto levior, quanto est contritio major.
Ut medici curant vario medicamine corpus,
Ut sanant febrem, vulnus quoque sive tumorem,
Sic animæ varias ægre poscunt medicinas.
Opponas igitur animæ contraria morbis.
Propria det cupidus, se castret luxuriosus;
Invide, livorem depone; superbe, tumorem;
Sobrietasque gulam, patientia comprimat iram;
Amoveat Iesus rancorem, tædia mœstus;
Potus aquæ redimat excessus ebrietatis;
Carnis delicias castigat virga flagellans.
Ut bene poeniteat ablatum prædo reponat.
Vestio, polo, cibo, tectum do, visito, solvo,
B Commodo, compatiens, converto, dono, remitto.
Flecto genu, vigilo, jejuno, labore, flagello,
Vestio dura, pedes nudor, tero cor, peregrinor,
Poenites, lego, ploro, precor, caro sic maceratur,
Hæc quæ confessis sunt injungenda notabis.
Publica sit poena, fuerit si publica noxa.
Si lateat licet enormis, lateat quoque poena.
Hoc est: qui peccat occulte poeniteat clam,
Singula confessor prudentius ut moderetur,
Effectus causæ, vitium, persona notetur.
Ad Dominum sunt hæ festinandi tibi causæ:
Ignis purificans, mors, ægritudo ruborque,
Et curæ gravitas, et consuetudo ruina.

V. — VERSUS DE COMMENDATIONE VINI.

Felix ille locus quem vitis amœnat amœna;
Illa beata domus, quæ Bacchi munere plena,
Vina dat hospitibus de vitis divite vena;
Sed domus infelix ubi cervisiaatur avena.
Mensurata nimis modo mensuranda lagena.
Infirmata seges non vino imo venena.
Ejus enim potum sequitur dirissima poena;
Pes titubans, cerebri turbatio, mens aliena,
Turbida mens nescit vitiiis imponere frena.

C Dum surit ebrietas in aquis Venerisque catena,
Fervida fermento trahitur caro mentis egena.
Illiciti motus nulla colibentur habena,
Dum bibitur Lethæa palus, iterumque serena
Mingitur, in lapidem renum concrescit arena;
Quam nisi cum ferro nec ejicit ars galiena.
Plus valet ergo mihi vinum cum paupere cœna,
Quam tibi cum potu de fursure ferculæ dena

VI. — RESPONSIO AD QUEMDAM, CONTRA CERVISIAM.

Scribo sed invitus, invitat enim grave vitis
Me probum gravius improbusque loqui.
Improbæ, quid reprobas, quod vagina sacra, quoq
[usus
Quod probat utilitas ipsa, quod ipse Deus.
Per verbi verbum de vitis munere munus
Conscitetur vitez sanctificante manu.
Hinc ubi consicetur Christi crux hinc procul
[absit,
Potus fufureus sulfureusque liquor.
In vinum convertit aquas prece matris aquarum
Conditor, at nunquam cervisiavit eas.
Cur igitur vino præfertur simia vini,
Morrendumque genus degenerantis aquæ?

D Mutuat a vino quod inebriat et quod acescit,
In solis vinum sic imitata malis.
O labor infelix damnataque sollicitudo!
Quæ studuit quod aquis ebrius esset homo!
Objicis incestum Lot vino? non ibi vini
Culpa, sed in vino non habuisse modum.
Peccavit potor, non potus, ut in patre primo
Non citus in culpa sed gula sola fuit.
Quidquid agis, peccas, nisi sis moderatus et ipsam
Justitiam librat, justificatque modus.
Magna quidem cerebri est turbatio, quod cere-
[brose
Cervisiam laudat cervisiales homo.
Cognata urinæ, fæcis germana videtur,

Non hominis potus sed cibus esse suis.
Ut breviter signes quid et unde sit aspice signum
Cervisiae factum stramine, face litum.

A Dum sine felle jocor, quia te cognosco Jocosum.
Jucunde admittas et sine felle jocum.

VII. — CARMEN ACEPHALUM.

Qui mea scripta leges, poteris perpendere, reges
Quando venerunt qui mystica dona tulerunt.
Per stellam ducti veniunt aliterque reducti
Cursu festino properant dantes tria trino.
Regibus expletæ sunt tresque decemque diætae.
Si bene perpendo mora parva fuit veniendo
Rege sero spreto rediere magi pede læto.
Rex est seque regit recte, quisquis bene degit,
Quidem de telis regitur plebs quæque fidelis.
Si recte credit jussisque regentis obedit,
Gratia præcedit et adest nunquamque recedit :
Stella quisque duce vera fruatur modo luce.
Gratia si qua datur quæ prævenit ipsa sequatur
Fortes athletas facit has copulare diætas.
Absque fide pura nulli sit vivere cura,
Per quam completa sit semper prima diæta
Mente sequens munda spes nam diæta secunda,
Tertia subsequitur, aliis major reperitur,
Cordaque sincera facti hæc dilectio vera,
Sit mens contrita quod sit tibi cœlica vita :
Cordeque contrito devote vivere scito.
Præmia sunt certa si mens contrita reperta.
Lingua loquax oris dissolvat claustra pudoris,
Te manifestante quid peccasti reus ante.
Ut cito purgetur quidquid tua culpa moretur.
Si vis mundari, nunquam cesses operari,
Quidquid præcipitur ad fidem taliter iur,
Ut tibi sit præsto quod sæpe rogas; vigil esto
Carnis jumento sic frena tenere memento,
Ne lascivire liceat vel longius ire.
Hoc jejunando facies carnemque domando,

B Protinus absque mora solito devotius ora,
Nec claudas ora nec cesse qualibet hora;
Sit labor hic motus sit decorus tibi motus.
Ut caro sit macra studeas loca visere sacra.
Spernere se, sperni scio munera esse superni,
Quæ superexcellit patientia noxia pellit.
Mitis pacifica tolerando vincit iniqua ;
Ultima virtutem retinet consertque salutem.
Hoc est præceptum, cito perfice jam bene cœptum :
B Laus tibi multa datur, si cœptum perficiatur,
Talia sunt pacta, semper probat exitus acta ;
Taliter expletis stella ducere diætis
Expedit oblata Christo sint munera grata,
Quodque Deum norant pronum reverenter adorant.
Tres tria dant Christo vivo parvo prius esto
Aurum cum thure . . . myrrham moriture
Hoc sumnum sapere signat Dominumque timere
Si dederis thura mens offertur tibi dura.
Ut thus ascendit, sic sursum mens bona tendit,
Myrra licet rara mortis designat amara.
Te sic impropria quod mors sit cordis in ara.
Sic vivas æque memorando novissima quæque,
Quod semper fili caveas a crimine vili.
C Si vir Catholicus, humilis, pius atque pudicus,
Offerat hæc dona, dabitur tibi digna corona.
Lætantur vere qui talia dona tulere,
In quorum numero gaudens ego vivere spero.
Detersti sordes mundato denique corde
Christo devoto rex offerat hæc tria vota
Hoc trinum munus acceptet trinus et unus,
Christo præstante, qui rex est et fuit ante.

AD OPERA PETRI BLESENSIS

APPENDIX

Continens chartas quorumdam episcoporum et regum quæ conferunt ad elucidationem
epistolarum ejus et notariorum.

(Opp. Petri Blesensis curante Petro de Gussanvilla.)

I.

*Ad epist. 44. — Litteræ Henrici Bajocensis episcopi
de donatione facta capitulo Bajocensi de domo
Conani thesaurarii.*

(Ex archivis capituli Bajocensis, dono V. Cl. Philiippi Taron, subdecani et canonici Bajocensis.)

Universis S. Matris Ecclesiæ filiis præsentibus
et futuris, ad quos præsens scriptum pervenerit,
HENRICUS Dei miseratione Bajocensis Ecclesiæ mini-

D ster humilis salutem, in eo in quo est omnium
salus.

Cum deceat pli patris affectionem circa filiorum
profectum sedulam esse et sollicitam, corum præ-
sertim, qui in Ecclesia Dei divinis laudibus propen-
siori cura insistunt; nos attendentes, quanta devo-
tione et vigilante dilecti in Christo filii nostri
canonici Bajocenses diu, noctuque divinis insudent
officiis; decrevimus eos ad præsens de nostra largi-
tione aliquantula remuneratione ad uberiorem la-